



12. august 2011  
24. januar 2011

UKA 2011/34  
UPA 2011/73

Inatsisartut suleriaasianni § 33 naapertorlugu matumuuna Inatsisartut aalajangiiffigisassaattut siunnersuut imaattoq saqqummiuppara.

**UPA12 nallertinnagu Naalakkersuisoqarfiit suleqatigiillutik inuussutissarsiornermut inatsit siunertaanngitsumik isertortumik akunnermiliuttoqarsinnaanngortitsilluni (stråmandsvirk-somhed) Kalaallit Nunaanniit aningaasanik annissuinissaq siunertaralugu nalorninar-sinnaasumillu aningaasannanniarluni transfer pricing atorlugu periarfissiinersoq misis-soqqullugu, tassunga ilanngullugu piginneqatigiissutinik tuniniaaneq atornagu aningaasaatillillu aningaasanik attartorfigalugit aningaasaliineq atorneqarnersoq pillugu Naalakkersuisut inuussutissarsiummik ingerlataqarneq pillugu inatsisartut inatsisaanni allanngortitsinissaq siunertaralugu suliaqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasorta, Kim Kielsen Siumut)

#### **Tunngavilersuut:**

Aatsitassarsiorneq pillugu inatsimmi (Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-imeersoq) ilaatigut § 16, imm. 3-mi ima siunertalimmik aalajangersagaqarpoq, tassa nunatta iluani avataanilu inissisimasunit suliffeqarfiit akornanni piviusorsiuunngitsumik aningaasanik nuussisoqarsinnaaneramik akiuinissaq siunertaralugu aalajangersagaq. Aalajangersakkat taakku siunertanut tulluurtuupput ajoraluartumillu aalajanger-sakkat assingi inuussutissarsiornermut inatsimmi (Kalaallit Nunaanni inuussutissarsiummik ingerlataqarneq pillugu Inatsisartut inatsisaat nr. 12, 12. november 2001-imeersoq) atuutinngillat.

Isumaqavippunga ajoqutaanngitsumik assigiinnik malittarisassaqaarsinnaasoq, nunatsinni suliffeqarfinnik assigiingitsunik inatsisitigut malittarisassiisunik. Aatsitassarsiorneq pillugu inatsit aqutugalugu aatsitassat pillugit suliaqarnermi transfer pricing kiisalu aningaasaliineq atornagu taamaattorli aningaasaliisartut attartorfigalugit aningaasassarsiorarneq akiorniarlugu annertuumik alloriarsimasugut isumaqarpunga. Taamaalilluta siunertaanngitsumik isertortumik akunnermiliuttoqarsinnaaneq aningaasanillu aniatitsisinnaaneq illuatungilerparput.

Inuussutissarsiummik ingerlataqarneq pillugu inatsit kingullermik allanngortinneqarpoq 2006-imi. Allannguutit ullumimut ajornartorsiutaasunut sillimannngillat.

Taamaattumik isumaqarpunga piffissanngortoq inuussutissarsiummik ingerlataqarneq pillugu inatsisip allanngortinneqarnissaa, taamaalilluni aatsitassarsiorneq pillugu inatsisip inuussutissarsiummillu inatsisip atuuttup iluani aalajangersakkat nutaat akornanni ataqatigiissaarisooqarnissaa qulakkeerneqarluni. Naleqquttunngilarmi inuussutissarsiuutit assigiinngitsut iluanni marlunnik assigiinngitsunik malittarisassaqaarnera assigiisaarisooqarnissaannummi tunngavik pisortat inger-latsinerannut tamanut aallaaviuvoq. Assigiisaarisooqartariaqarnermut tunngaviup piumasaqaatigaa kikkut tamarmik asigiimmik pineqartariaqarnerat, soorluttaaq tungaveanngittumik assigiingisit-sisoqarsinnaanngittoq.



Taamaattumik siunnersuutigaara Naalakkersuisut peqquneqassasut Inuussutissarsiornermik inatsisip naleqqutinngittunik maleruagassaqaarsinnaaneraniq misissueqqullugit taaamaattoqaarsimappallu inatsisit qularnarunnaarsinneqarnisat siunertaralugu siunnersuummik saqqummiuseqqullugit. Naalakkersuisut Inatsisartullu soorluttaaq innuttaasut suliffeqarfiutillillu tamanna soqutigisaaniippoq.

**Pisortanut aningaasaqarnikkut allaffissornikkullu kingunissai**

Siunnersuutip piviusunngortinneqarnerani allaffissornikkut assigiinngitsutigut nukinik atuisoqassaaq, soorlu Akileraartarnermut Aqutsisoqarfimmi, Siulersuisunut allattoqarfimmi, Inuussutissarsiornermut Naalakkersuisoqarfik il.il. allaffissornikkut kingunissai uani killiffimi eqqortumik nalileruminaapput, suliniutit assigiinngitsut siunnersuummut attuumassuteqaarsinnaasut ilaatigut aallartinneqareersimasinnaammata, taamaattumik aallaqqaataanniit suliniutit ataqtigiissaarnissaat nukinik aningaasanillu atuiffigineqarnerunissaat ilimanarneraluni. Taamaaliorneq pisinnaavoq Naalakkersuisut Siulittaasuata pilersaarusiorneq pillugu allaffeqarfiata ataanni imaqlauunnit Aningaasaqarnermut Naalakkersuisoqarfimmit. Allaffissornikkut nukinik atuineq naatsorsuutaavoq inuup ataatsip ukiumut suliarisinnaasaasa naatsorsornerata affai atorineqassasut, taakkulu ulluinnarni allaffissornikkut ingerlasinerup iluani nassaarineqarsinnaassapput.

**Namminersorlutik suliffeqarfiutilinnut aningaasatigut allaffissornikkullu kingunissai**

Siunnersuutip kinguneraniq suliffeqarfiit namminersorlutik ingerlatat ilaanni nalorninarsinnaasumik aningaasannartiartarnerup killilersimaartinneqarneraniq kinguneqassaaq. Immikkut isigalugu inuussutissartiuteqarnermut iluaqutaassaaq, aningaasat inuiaqtigiinni suliffeqarfinnilu kaaviaartinneqartut amerlanerulernerat qulakkeerneqassamat.

**Innuttaasunut aningaasatigut allaffissornikkullu kingunissai**

Siunnersuut innuttaasunut kinguenqarnaviannigilaq.